

**Inatsisartut Peqqissutsimut Ataatsimiititaliaata**

**Peqqinnissaqarfiup aqunneqarnera, aaqqissuussaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. xx, xxxx 2010-meersoq**

**pillugu**

**ILASSUTITUT ISUMALIUTISSIISSUTAA**

**Inatsisissatup siunnersuutip pingajussaaneerpeqarnissaanut tunniunneqartoq**

Inatsisartut Peqqissutsimut Ataatsimiititaliaat suliarinninnermini ukuninnga inuttaqarpoq:

Inatsisartunut ilaasortaq Olga P. Berthelsen, Inuit Ataqtigiit  
Inatsisartunut ilaasortaq sinnisussaq Hans Aronsen, Inuit Ataqtigiit  
Inatsisartunut ilaasortaq, Loritha Henriksen, Kattusseqatigiit  
Inatsisartunut ilaasortaq, sinnisussaq Hans Enoksen, Siumut  
Inatsisartunut ilaasortaq Siverth K. Heilmann, Atassut

Inatsisartuni aappassaaneerpeqarnerata kingorna Inatsisartut Peqqissutsimut Ataatsimiititaliaata siunnersuut misissorpaa.

**Siunnersuutip imaa aamma siunertaa**

Inatsisissatut siunnersuutip siunertaraa tarnip pissusaanik ilisimasallit aamma peqqinnissamut tunngasutigut sullissisut pillugit aalajangiinissamut malittarisassanut tunngassuteqartunik Naalakkersuisut aalajangersaasinnaanissamut piginnaatinneqarnissaat. Taaguutit illersugaanerat, tarnip pissusaanik ilisimasallit aamma peqqinnissamut tunngasutigut suliaqartut pisussaaffiinik, napparsimasut pisinnaatitaaffiinik, nakkutilliinermik, pineqaatissiinissamut aalajangersaasinnaanermut aamma pissutsinik allanik tarnip pissusaanik ilisimasalinnut susassaqarfigisaminnillu suliaqarnerannut pingaaruteqarsinnaasunik aalajangersakkat imaqarsinnaapput. Peqqinnissaqarfiup nutarterneqarnera 1. januar 2011 tamakkiisumik atuutilertussaq aallaavigalugu, Peqqinnissaqarfiup Napparsimasut Sullinneqarneranni Maalaaruteqartarfia Peqqinnissaqarfiup sullissinermut tunngasutigut pissusissa

nik malinnilluarnissamut ataatsimiititaliaanik taarserneqartussaanera Inatsisissami saqqummiunneqarpoq.

Peqqissutsimut ataatsimiititaliap Naalakkersuisunit inatsisissatut siunnersuut peqqinnissaqarfimmi maanna nutarterinermut ingerlasumut 1. januar 2011-mi timitalerneqartussamut naapertuuttutut isigaa.

### **Inatsisissatut siunnersuutip Inatsisartuni aappassaaneerneqarnerata kingorna**

Ataatsimiititaliap Inatsisissatut siunnersuutip aappassaaneerneqareernerata kingorna Peqqissumik Naalakkersuisoq aggersarlugu isumasiorpaa. Ataatsimiititaliami isumasiunissamut aggersaanissamut atatillugu apeqquteqaatigineqartussat aammalu Naalakkersuisup apeqquteqaatigineqartunut akissuteqaatai bilag 1-tut takusassianngorlugit ilanngunneqarput.

Ataatsimiititaliaq Naalakkersuisumik isumasiuereerluni aalajangerpoq, siunnersuutip aappassaaneerneqarnerani isumaliutissiissummut ilassummik isumaliutissiissusiorniartulik.

### **Ataatsimiititaliap inatsisissatut siunnersuummik suliarinninnera**

Peqqissutsimut ataatsimiititaliap Naalakkersuisut isumasiorneqarnerata kingorna ima ilassutitut oqaaseqarumalluni aalajangiussaqaarpoq:


Ataatsimiititaliaq aalajangerpoq allatut katsorsaasartut minnerunngitsunillu atuisut illersorneqarnissaat eqqarsaatigalugit, aallaqqaammut allatut katsorsaasartut peqatigalugit Inatsisitigut illersorneqalernissaannik aqqutissiuusseqataanissamut periarfissiunneqarnissaat suleqataaffiugiumallugu. Tamanna pillugu ataatsimiititaliaq siusinnerpaamik UKA11-mi aalajangiiffigisassatut siunnersuummik Inatsisartuni saqqummiussaqaarniarluni aalajangerpoq.

Aamma ataatsimiititaliaq aalajangerpoq, inuit kikkulluunniit, allatut katsorsaasartunit katsorsarneqarsimasut inatsisitigut illersugaanerat ersarissarneqartariaqartoq. Ataatsimiititaliaq isumaqarpoq allatut katsorsaasartunit inuit katsorsarneqarsimasut, napparsimasut inatsisitigut illersorneqarneranniit illersugaannginnerusut.


Ataatsimiititaliap tamarmiusup isumaqatigiilluni kaammattuutigaa inuit allatut katsorsaasartunik katsorsartissimasut nalinginnaasumik peqqinnissaqarfimmi napparsimasut inatsisitigut illersugaanerattulli illersorneqalernissaat qularnaarniarlugu Naalakkersuisut suliniutinik aallartitsissasut.

**Tamanna tunngavigalugu ataatsimiititaliap tamarmiusup siunnersuut akuersissutigineqassa-  
soq innersuutigaa.**

Taamatut oqaaseqarluni Inatsisartuni Peqqissutsimut ataatsimiititaliap inatsisissatut siunnersuut Inatsisartuni pingajussaaniigassanngortippaa.




Olga P. Berthelsen,  
Siulittaasq




Hans Aronsen,  
sinniisussaq



Loritha Henriksen,



Malik Berthselsen



Siverth K. Heilmann